



UNIVERSITÄTS-  
BIBLIOTHEK  
PADERBORN

# **Conceptvs Chronographicvs De Concepta Sacra Deipara**

**Zoller, Joseph**

**Augustæ, Anno 1712**

LIX. Angelis suis mandavit de te, ut custodiant te in omnibus vijs tuis: In manibus portabunt te, ne fortè offendas ad lapidem pedem tuum. Super aspidem, & basiliscum ambulabis, & conculcabis leonem, ...

---

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)



cens facillè eam telorum impetu pro-  
sternendam cogitabat; verùm spe fru-  
stratus, cùm taliter eam nullâ rati-  
one perforandam cognosceret, plu-  
rimos præterea, suis è militibus, ve-  
nenosæ bestię halitu, identidem in-  
fici experiretur, Balistarum etiam  
tormenta adhibuit, quibus æquè non  
nisi aerem verberando, incassum la-  
boravit: donec tandem crebris, ac  
ponderosis silicum verberibus, inde-  
fesso labore, debilitatam peremit,  
belluam, omnibus certè cohortibus,  
& Legionibus, ipsâ Carthagine visam  
terribiliorem. Dicunt, occisâ à Re-  
gulo immanis belluæ corium, cen-  
tum viginti pedes longitudine exce-  
dens, Romam tandem delatum, ibi-  
dem, ad æternam gloriosi triumphi  
memoriam, publicè expositum fuisse.  
*Valer. Max. l. 1. c. 8. Aul. Gell. l. 6. c. 3.  
T. Livius, &c.*

Verùm quid bellua hæc; utcun-  
que formidabilis, respectivè ad infer-  
nalem illum Draconem, venenosissi-  
mo halitu, non aliquot tantùm mili-  
tes, sed totum humanum genus, per

originalis peccati virus inficientem?  
Hic Draco non tantùm impedit usum  
aquæ Divinæ, scilicet gratiæ, è fon-  
tibus Salvatoris hauriendæ, verùm  
etiam plurima alia animæ nocumen-  
ta infert, nisi vulnus, per voluntaria  
Sacri Baptismatis remedia, denuò  
curetur. Verùm MARIA, sola gene-  
rosissima Heroïna, in suâ Concepti-  
one, monstro huic immani obviam  
processit, nullisque alijs armis, quàm  
filice usa (*Petra autem erat Christus*) ob-  
jecto nimirùm Christo Salvatore, ex  
ipsâ in Matrem electâ carnem as-  
sumpturo, debilitavit, contrivit, pro-  
stravit, atque antequàm in ipsam fa-  
tale virus originalis noxæ transfun-  
dere posset, gloriosissimè detrium-  
phavit.

### §. 7. Anagramma.

TV, ConCEPTA REGINA! pVra 406  
DEI MENSA.

*Tu, O Regina immaculata! pura Dei mensa.*

Versio litteralis,

*Ave Maria, gratiâ plena, Dominus tecum.*



## De Conceptâ Sacrâ Deiparâ.

### CONCEPTUS LIX.

#### §. I. Scriptura.

#### 407. AngeLorVM regInæ CVsto- Des AngeLI.

*Psal. 90. v. 11. & seq. Angelis suis man-  
davit de Te, ut custodiant Te in omnibus  
vijs tuis: In manibus portabunt te, ne  
fortè offendas ad lapidem pedem tuum: su-  
per aspidem, & basiliscum ambulabis, &  
conculcabis leonem, & draconem.*

*Commentar  
in Matth.* **M**agna dignitas animarum! admi-  
rabundus olim exclamavit  
Divus Hieronymus, ut una-

quæque habeat ab ortu Nativitatis in custo-  
diam Angelum delegatum. ut enim Paulus  
ait: *Omnes sunt administratorij Spiritus*, Habu-  
missi propter eos, qui hæreditatem capiunt v. 14  
*salutis.* O! qualis igitur, & quan-  
ta dignitas Virginis Deiparæ? quæ  
non tantùm ab ortu Sanctissimæ suæ  
Nativitatis, sed ab ipso etiam Con-  
ceptionis purissimæ exordio, assisten-  
tem habuit Angelorum innumerabilè  
multitudinè, qui omnes, ut administra-  
torij spiritus, missi sunt à Cœlesti Rege  
propter eam, quæ concipienda erat,  
ut mundo daret Authorem salutis.  
id



Id enimverò affirmare non dubitat Doctor mellifluus, per hæc verba : *Innumerabilem Beatorum Spirituum militiam, ad ministerium tantæ Principis delegatam, nullatenus ambigimus, utpote, qui custodirent lectum Salomonis gratissimum, ac providerent, ne præparatum æterno Regi cubiculum aliquis hostis invaderet. & sanè, quid magis conveniens, quàm ut MARIA, constituta jam Angelorum Regina, frequentî mox Spirituum Angelicorum custodiâ muniretur? id ipsum clarè sentiente S. Fulberto Carnotensi, ac sic discurrente: Quanta putamus provisio Angelorum circa tam DEO gratissimos Parentes, ab initio suæ procreationis (id est *MARIÆ*) & excubatio super tam ingentem Sobolem? nulli profectò dubium est, quòd circa eam jam tunc omnis frequentia Cælestium agminum invigilabat, utpote, quam supra se exaltandam minimè ambigebant. & nonnè hoc merebatur Virgo, Angelis omnibus longè præstantior? Fortes sunt Angeli: Fortissima ac invictissima, totâ vitæ suæ periodo, MARIA. Ardent in DEUM amore Angeli: ignea erat ad DEUM, & homines MARIA. Intelligentiæ sunt Angeli: Sapientissima Virgo. Ad diversa DEUS munia Angelis utitur, utpote in ministerium hominum missis: ad præcipuum omnium, quod operatus est unquam, aut operaturus est officium DEUS, assumpta est Virgo, ut nimirum DEUM pareret. Hinc credibile admodum est, quod Divus Vincentius refert: *In felicissimâ illâ MARIÆ Conceptione, mandante mox Numine præsentia adfuisse tria Cherubimorum milia, non alium certè ob finem, quàm quia mandatum ipsis de MARIA fuerat, ut custodirent eam in omnibus vijs suis, inq, manibus illam portarent, ne fortè offenderet, in aliquo instanti, ad lapidem culpæ originalis, pedem suum. Quid ergo mirum, si tot, ac tantis, tamque validis protecta custodibus, non solum non offendit unquam ad lapidem offensionis, verum etiam glorioso pede super aspidem, & basiliscum infernalem inambulans, nihil proficiente in eâ (ut nuper diximus) inimico, conculcavit Le-**

*onem & Draconem?* Certè (ut idem Vincentius supra adductus refert) Angelici hi spiritus solennem jam tum Festivitatem, in Reginae suæ purissimæ, ac immaculatè conceptæ honorem, summâ lætitiâ, ac gratulatione in Cælis celebrârunt. Nec reticenda hîc Divi nostri Anselmi devota pro purissimâ hac Angelorum Reginâ sententia: *Angelos, ait ille, alijs peccantibus à peccato servavit, & fœminam Matrem suam futuram, ab aliorum peccatis exortem servare non potuit? in æternitate consilij sui statuit, eam Reginam fore Angelorum, & in consortium conceptam esse crederemus peccatorum?* Absit. Dicendum potiùs, *MARIAM* in instanti illo felicissimæ suæ Conceptionis, longè excellentiori, quàm Angelos, fuisse gratiâ præditam? nam, si hi in gratiâ conditi eam constitutam Reginam suam in exordio maculatam conspexissent, gloriari certè etiamnum possent, puriorem sibi fuisse originem, quàm illi, sicque ei insultare, velut turpi aliquando peccati maculâ conspurcatæ Reginae. Ne ergò servi Reginam tantam despiciant, omninò dicendum est, ex imperio, quod *MARIA* habet super Angelos, inferri, non solum à peccato eam originali fuisse immunem, verum etiam in suâ Conceptione multò excellentiori gratiâ donatam fuisse; cum Regina utique (ut alibi probavimus) in excellentijs nobilitate, & gratijs servo excellere debeat. Imò asserere non vereor, *MARIÆ* à communi lapsu exemptionem in magnam cessisse gloriam non tantum Christi ejus Filij, sed etiam Angelorum omnium, quorum ruinæ per Virginem reparantur, qui que tali Reginâ in omnem æternitatem gloriabuntur. Cæterum, ut & nos, una cum Angelis, tali Reginâ, ab omni labe purissimâ, æternum in Cælis gloriari possimus, *MARIAM* ab administratorijs hiscè spiritibus in Conceptione jugiter custoditam, sicq; per Divinam providentiam, sollicitè ab omni labe præservatam, corde, ore, ac calamo fateamur.

Ibid.

Serm. de Concept.

Serm. Laus M. A. R. I. E.

Serm. de Nativ. Virg.

Serm. 1. de Nativ. Virg.



§. 2. *Authoritas.*

408. S. Ignatius Martijr, plè De  
Conceptiõne sen-  
tens.

*Et quidam notificavere, eandem Matrem  
DEI, omnium gratiarum esse abundan-  
tem, & omnium virtutum, ac gratiæ  
secundam. Epist. in Jo. em*

§. 3. *Ratio.*

409. Illibata, Ipsis angeLis aL-  
tIVs noMen hære-  
ditans.

**P**Aulus Apostolus, ad Hebræos scribens, c. i. v. 4. hæc de Christo habet: *Tantò melior Angelis effectus, quantò differentius, præ illis, nomen hæreditavit; cui enim dixit aliquando Angelorum: Filius meus es tu? &c.* ex quo inferre videtur Doctor gentium, per hoc, quòd Christus Dominus præcellentius nomen cæteris omnibus, etiam ipsis Angelis hæreditaverit, bene concludi, eum omnibus, etiam ipsis Angelis, excellentiâ, dignitate, & gratiâ longè antèire. Atqui pariformiter de Reginâ Angelorum, nempe MARIA, dicere possumus: *Tanto melior Angelis effecta, quantò differentius, præ illis, nomen hæreditavit; cui enim dixit aliquando foeminarum: Mater mea es tu? &c.* quod tamen in MARIA verificatum, de quâ Præsulum gemma Augustinus, Serm. 43. expressè hæc habet: *sicut in Cælo habuit Patrem immortalem & æternum, sic & in terrâ habuit Matrem, omnî corruptione carentem.* Ergo, quia omnibus Angelis, & hominibus MARIA excellentius Nomen hæreditavit, nempe vocari, & esse Matrem DEI, hoc ipso, juxta doctrinam S. Pauli, omnibus Angelis dignitate, & gratiâ præivit. Subsumo. Sed Angeli fuerunt creati in gratiâ, & conditi absque omnî peccato, sicut & Adam, quod erat magna excellentiâ, & gratiâ, Ergo multò magis

Beatissima Virgo debuit gaudere hæc excellentiâ, & præservari à peccato originali; aliter enim, si fuisset condita in peccato, non solum non præcelleret, sed deterior illis esset, in nullo, nisi in solo *Nomine* Maternitatis Christi, superior.

§. 4. *Historia.*

PVero CaDente, MARIA  
InVoCata. 410.

**I**N Civitate quâdam Italiæ, cui Bergamo nomen, quædam habitabat mulier, laudabilis vitæ, ac singularis præsertim in Deiparam, ejusdemque immaculatam Conceptionem devotionis. Huic filiulus erat, quatuor annorum, ut amæna ætatuâ illius innocentiam præditus, ita unicum Parentum delictum, domesticorum, ac familiæ universæ oblectamentum. contigit, Matrem, puerulo secum delato, solarium suum conscendere, ac Sole jam ad occasum vergente, pro aurâ amæniorî captandâ liberius ibidem deambulare. Sed ecce! dum infans quoque, à Matre sibi ipsi dimissus, circumcursitat, inexpectato infortunio, antequam retineri ab illâ posset, è solario præceps delabitur. Quid hic ageret afflictissima mater, quæ propriam potius vitam, quàm filiolum sibi adeò dilectum erat perditura? vix cadentem advertit infantulum; cum ad purissimam Divini infantis genitricem humiliter recurrens, suppliciter eam rogavit, ut propter honorem, Sacri immaculatæ suæ Conceptionis mysterij, præstò esse in auxilium dignaretur, ac filium, quem ipsa non satis custodierat, illa sollicitior Mater, à præsentissimo miserandi casûs periculo liberaret. Vix preces mulier afflictâ finierat, ac citissimo cursu, per scalas, ad inferiora se receperat, quid de filio ageretur, quem mortuum credebatur exploratura: cum ecce! penitus reperit incolumem, ac licet ad durissimas allisus petras, ex illâ solarij altitudine pericu-



riculosissimè deciderit, sine ullâ prorsus læsione infantem reducit, non sine ingentî omnium admiratione, ac summâ, erga invocatam Deiparam gratitudine, ob tantum beneficium, ad memoriam suæ Sacræ Conceptionis, receptum. *Bernardin. de Buslis, Serm. 8. de Concept.*

§. 5. *Symbolum.*

411.

aMaCVLæ pVtreDIne  
Libera.



Tam citò non potènt carnes vitare putredo,  
Quas condire solent grana saporis Salis.  
Numinis à maculâ liberam sed qualia servant  
Grana Salis Matrem? Gratia sola salit.

*Factum Salis est sempiternum. Numer. c. 18. v. 19.*

§. 6. *Antiquitas.*

412.

hOMerI foLIa, aLeXanDro  
Chara.

**E**A erat magno Macedonum Re-  
gi Alexandro, de Homeri do-

ctinâ existimatio, ut Librum quen-  
dam ab eodem mirâ arte compo-  
situm, non nisi aureâ in arcâ, gem-  
mis compluribus rutilante, omni sol-  
licitudine asservandum curârit, ex-  
pressè pronuntians: Folia hæc non  
aliam, quam talem pretiosissimam  
thecam, pro meritis deposcere.

Ita sanè MARIA, *Liber generatio-  
nis JESU CHRISTI*, cujus pri-  
mum folium, est purissima, ac prorsus  
intemerata charta, referens  
pro frontispicio Agnum immacu-  
latum, cujus DEUS Pater ipsèmet  
Author, Spiritus Sanctus, ejusdè-  
que gratiæ plenitudo, contentum,  
Liber, cujus censuræ loco, præfixa  
sunt innumera Sanctorum Patrum  
Encomia, &c, nec debuit, nec po-  
tuit alio scriniolo recondi, quam  
Beato Divæ Annæ utero, quem DEI  
charitas deauravit, ac Gratia ejus,  
MARIAE præambula, exornavit. An-  
nam quippe, multis coruscant gra-  
tijs, MARIAE exordijs antecedere DEUS  
voluit, ut Proles tantæ digna Mater,  
ipsa, & non alia suis eam abderet vi-  
sceribus, vel idèò nomen istud:  
*Anna* sortita (quod apud Hebræos  
*Gratiam* significat) utpote, quæ ex  
ipso jam nomine *gratiosa*, Filiam  
conceptura erat, in ipso jam con-  
ceptionis momento, hac exuberante  
gratiâ plenior, quia sine labe, in  
visceribus simul *Anna*, & in visceribus  
*gratiæ* conceptam.

§. 7. *Anagramma.*

DEI aMans, pVrè ConCepta 413.  
Virgo.

*En Dei amans, pura, et immaculata Virgo!*  
Versio litteralis.

*Ape Maria, gratiâ plena, Dominus tecum.*



Cc

De